

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj:01/2-02-1-9156/18
Sarajevo, 04.02.2019. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na poslaničko pitanje zastupnika Mekić Amela, dostavlja se,-

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo")-Drugi novi prečišćeni tekst br. 41/12, 15/13, 47/13, 47/15 i 48/16), u prilogu u printanoj i elektronskoj formi dostavljamo odgovor na zastupničko pitanje koje je na Prvoj radnoj sjednici Skupštine Kantona Sarajevo održanoj dana 19.12.2018. godine postavio zastupnik Amel Mekić. Uprava policije Ministarstva unutrašnjih poslova Kantona Sarajevo je pripremila odgovor, koji se odnosi na penzionisanje policijskih službenika, a Uprava administracije Ministarstva unutrašnjih poslova Kantona Sarajevo odgovor koji se odnosi na penzionisanje državnih službenika i namještenika.

Prilog:

- Akt Uprave administracije broj:01/5-1-34-4-137 od 07.01.2019. godine;
- Akt Uprave policije broj:02/5-1-5-1/19 od 28.01.2019. godine.
- CD;

Dostaviti:

1. Naslovu;
- ② Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16




Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE

Sektor za pravne, kadrovske, logističke poslove, edukaciju i analitiku
SARAJEVO

01/2
31-01-2019

30-01-2019
237/19

Broj: 02/5-1-5-1/19
Dana: 28.01.2019. godine



MUP KANTONA SARAJEVO
n/r ministra

PREDMET: Odgovor na zastupničko pitanje koje je zastupnik Amel Mekić postavio na Prvoj radnoj sjednici Skupštine Kantona Sarajevo, održanoj dana 19.12.2018. godine, dostavljamo.-

VEZA: Vaš akt broj: 01/2-02-01-9156/18 od 03.01.2019. godine i 11.01.2019. godine i
Naš akt broj: 02/5-1-5/19 od 07.01.2019. godine .-

U pogledu dostavljenog odgovora, sekretaru MUP-a KS, aktom broj: 02/5-1/19 od 07.01.2019. godine, na zastupničko pitanje koje je zastupnik Amel Mekić postavio na Prvoj radnoj sjednici Skupštine Kantona Sarajevo, održanoj dana 19.12.2018. godine, a za koji ste konstatovali da je nepotpun te ste zatražili da se isti dopuni podacima za koliko će zaposlenika u tekućoj godini prestati radni odnos, radi odlaska u penziju, te da je u tu svrhu potrebno pribaviti podatke od uposlenika da li postoje saglasnost ili ne za upis posebnog staža, informišemo vas o slijedećem:

Kada je riječ o policijskim službenicima, ukazujemo na slijedeću zakonsku regulativu:

-članom 118. stav (1) tačka d) Zakona o policijskim službenicima Kantona Sarajevo („Sl. novine Kantona Sarajevo“, broj: 38/18), propisano je da policijskom službeniku prestaje radni odnos kada navršši 65 godina života i najmanje 20 godina penzijskog staža ili kada navršši 40 godina staža osiguranja bez obzira na godine života, dok su u poglavlju X Zakona regulisani uslovi za sticanje prava na penziju policijskih službenika, između ostalog i pravo na ostvarivanje posebnog staža policijskog službenika, gdje je članom 123. navedenog Zakona, propisano da se poseban staž iz Zakona o PIO u jednosturkom trajanju uračunava u staž osiguranja za policijskog službenika iz člana 122. stav (1), samo uz pismenu saglasnost lica na kojeg se ta saglasnost odnosi.

S tim u vezi, našim aktom veze, broj: 02/5-1-5/19 od 07.01.2019. godine, sekretara MUP-a Kantona Sarajevo smo informisali da Uprava policije MUP-a KS, ne može u ovom momentu dostaviti informaciju za koliko će policijskih službenika odnosno ovlaštenih službenih lica biti prekinut radni odnos tokom 2019. godine.

Naime, od stupanja na snagu Zakona o policijskim službenicima Kantona Sarajevo do danas Uprava policije se više puta obraćala, tadašnjem ministru MUP-a Kantona Sarajevo i tražila stručno mišljenje i uputu u pogledu primjene člana 122. i 123. Zakona o policijskim službenicima Kantona Sarajevo, na koju nismo dobili odgovor.

U članu 122. i 123. Zakona, nije jasno precizirano na koga se odnosi davanje pismene saglasnosti za računanje posebnog staža u staž osiguranja u jednostrukom trajanju, odnosno nejasno je da li se navedeni staž odnosi samo na policijske službenike koji su kao uposlenici organa unutrašnjih poslova uzeli učešće u pripremama za odbranu i u odbrani BiH (tzv. aktivni sastav policije) ili na sve policijske službenike koji su u periodu od 18.09.1991. do 23.12.1995. godine uzeli učešće u pripremama za odbranu odnosno u odbrani BiH kao rezervni sastav policije ili pripadnici OS RBiH –Armije BiH i HVO.

Nadalje, ukoliko policijski službenik da pismenu saglasnost da mu se poseban staž u jednostrukom trajanju računa u staž osiguranja, postavlja se pitanje ko će izvršiti uplatu pripadajućih doprinosa i da li će se za navedeni period izvršiti uplata samo za efektivni staž ili i za staž sa uvećanim trajanjem tzv. beneficirani staž, te na koji način postupiti ukoliko policijski službenik nije saglasan da mu se navedeni staž uračuna u staž osiguranja, te da li u tom slučaju isti brisati iz službenih evidencija ukoliko je proveden kao radni staž.

Takođe, nejasan je momenat tretiranja/priznavanja posebnog staža policijskom službeniku koji da saglasnost da mu se navedeni staž uračunava u staž osiguranja, tj. da li će se navedni staž računati samo prilikom utvrđivanja uslova za sticanje prava na starosnu penziju ili odmah po davanju saglasnosti policijskog službenika.

U vezi iznesenog ukazujemo da Uprava policije MUP-a Kantona Sarajevo bez jasne upute za postupanje koju je Ministarstvo obavezno dati prema članu 125. Zakona, ne može implementirati odredbe člana 122. i 123. Zakona.

Naročito naglašavamo da su navedene zakonske norme sadržane u članu 122. i 123. Zakona usvojene od strane Vlade Kantona Sarajevo i inkorporirane u tekst Prijedloga Zakona koji je potom usvojila Skupština Kantona Sarajevo. Dakle, evidentno je da Uprava policije nije predložila ove zakonske odredbe koje su usvojene bez da je propisan mehanizam primjene i provođenja ovih članova Zakona i bez obaveznog finansijskog obrazloženja obzirom da je evidentno da ove norme imaju finansijski efekat na Budžet Kantona Sarajevo.

Zbog naprijed navedenog Uprava policije do sada nije provodila aktivnosti na uzimanju pismene saglasnosti za računanje posebnog staža u jednostrukom trajanju u staž osiguranja, cijeneći da pribavljanje pismene saglasnosti bez jasne upute o daljem postupanju ne bi bilo svrsishodno, s obzirom da nije propisano kako dalje postupiti nakon što policijski službenik da saglasnost da želi poseban staž, odnosno kako postupiti u slučaju da policijski službenik nije saglasan da mu se poseban staž računa u staž osiguranja ili odbije da se uopšte izjasni o navedenom.

Da se radi o nejasnoj zakonskoj odredbi koja reguliše pravo na ostvarivanje posebnog staža policijskog službenika ide u prilog i činjenica da ni u drugim kantonima kao ni na nivou Federacije BiH, u kojima je na isti način propisano računanje posebnog staža u staž osiguranja, nije izvršena implementacija istih, iako su u pojedinim kantonima pribavljene saglasnosti policijskih službenika.

S obzirom na naprijed navedeno nismo u mogućnosti dostaviti tražene podatke dok se ne propiše mehanizam primjene zakonskih normi i na jasan i nedvosmislen način propiše na čiji teret se stavljaju finansijske obaveze koje proizlaze iz istih.


POLICIJSKI KOMESAR
Mevludin Halilović